

21307




Przyjemski Alexander
Carlo Teresina.

Wosiński Antonii Petri. Vultrix maiestas amoris.

PANEG. et VITAE

Polon. Fol.

N^o. 1057



VICTRIX
MAIESTAS AMORIS,
DE TRIUMPHALI ASCIA,
EXPANSIS HEROIDIS PRZYIEMSCIANÆ MANIBVS,
Coronatum Rosis & Gemmis Trophæum,
ERIGENTIS.

Ad Splendidissimum Actum Nuptialem,
ILLVSTRISSIMORVM NEOSPONSORVM,
ILLVSTRISSIMI & MAGNIFICI DOMINI,

D. ALEXANDRI

à P R Z Y I M A

PRZYIEMSKI,

REGNI POLONIÆ SVBDAPIFERI,

ET
ILLVSTRISSIMÆ SPONSÆ,

TERESSIÆ,

ILLVSTRISSIMORVM ET EXCELLENTISSIMORVM PARENTVM,

D. CAROLI

DE SZCZOKARZOWICE

TARŁO,

REGNI POLONIÆ VICECANCELLARI,

ET
SOPHIAE

IN BABIN,

Dilectissimæ Filiae,

Inter festinas publicæ laetitiae acclamationes,

CRACOVIAE Celebratum,

Submissæ Venerationis, & gratulatorij applausus ergo,

M. ANTONIO PETROWOSINSKI, IN Alma Vniuersitate Cracoviensi, Philosophiæ Doctore & Professore,

Panegyrico obsequio,

In Orbis faciem,

PRODUCTA.

Anno Salutis 1692, Die 13. Mensis Ianuarij,



In Gentilitium Insigne
ILLVSTRISSIMI SPONSI & SPONSÆ.



21. 304 III

Expandit niueas Virgo PRZYIEMSCIA palmas,
Victor in his manibus, nempè triumphat Amor.
Vicit TARŁOVIAM summâ Virtute Bipennim:
Iamq̃ triumphati Vincula Cordis habet.
ASCIA nè doleas, quamuis sis Victa, triumphes,
Communes laurus, iste Triumphus habet;
Ecce triumphanti, nè desit pulchra Corona,
Purpuream Tibi fert, Herois VRSA ROSAM.

M. ANTONIO PETRO WOSINSKI, IN ALMA VNIuersitate Cracov.

P R O D V C T A



VICTRIX MAIESTAS AMORIS.



Rophæorum in Orbe decus speciosissimum, & quidquid inter mortales vnquam victricibus manubijs triumphale, sæculorum visu attonito spectare licuit; augustius semper & magnificentius ex amoris, quàm ex Martis genio assurrexit. Sanguinem hic, cædes & incendia, fædas cadauerum strues, & hiantia corporum vulnera, vt sitit & ambit; ita ex solis nonnisi corporibus, in tabo & fauilla triumphat: at ille suauissimus in pace animorum victor, rosas & gemmis coronatus Alcides, non Leonis Nemæi pelle hispidus, sed totus Iolen suam cogitans, mentium spolia poscit, & libertatis humanæ compedes circumfert; dum potissimâ hominis partem, quæ Cælis cognata est, Intelligenti- am nimirû & Voluntatē, inter amantissimæ captiuitatis ergastula claudit. Triūphâsse Orbem terrarû vsq; ad Persidem & Indos, macerâsse & domuisse Punico astu indomita Alpiû iuga, victos post terga Perseos ante currum triumphalem egisse, non ideo animos est vicisse, vel mentem humanâ ad caueam Baiasetis damnâsse, supereminet illa fastigijs omnibus, excedit altitudinem Nubium, infert se Cælestibus cum Ganymede mensis, intrat Senaculum & Conclaue Divorum; domina sui, rerum humanarum arbitra, fortunæ scopulus, tyrannidis victrix, triūphata nunquàm; nisi cùm ipsa animum despondisset, vel à seipsa degenerâisset: nec imperij vllius patiens, nisi quod ab amantiû manu placida venit. Cessêre omnia fatis, quæ Orbi fatalia & luctuosa fuêre, comminuit absq; manibus de petra excisus lapillus, aurum, argentum, æs, ferrum, & testam, in prodigiosis Babylonicæ potentia Statuis. disparuêre à facie Venti vrentis Regna, quæ plurimis Monarchijs euersis steterant; nec Cæsarem suum

cellæ agnoscunt Capitolinæ, quas spolijs Gentium & auri talentis impleverat. Sed durant viuacissima, stant immobilia, perennant æternum mansura, quæ sincerus Amor, illibata gratia, animorumque coniunctio, struxit, poliuuit, cōsumauit. Licet illi quod Gradiuo nō licet; quia ferox est, opera eius coacta, extorta, violenta, spiritum vitæ non habens, sed furoris: nec animatur leni flamine ad Ethesias, sed turbine Aquilonari ad procellas. Miserum est viuere, inter fulmina mortis; infidum quiescere, inter hiatus & voragines periculi; formidandum ducere spiritum, in ore gladij. Illa demum vita est, illa medulla vitæ, & triumphorum felicitas; viuere, spirare, vincere, triumphare, inter dulcia mentium vnitarum spiramina, inter halcyonia pacis, inter Trophæa, Rosas & Gemmis coronati Amoris. Hoc genus victoriæ, placidum & amabile, inter Hymenæos Vestros Orbis Polonus plausu maximo excipit, **ILLVSTRISSIMI NEOSPONSI**; apud quos tota ratio victoriæ est, quam maxime vinci. Insedit truculentam belluā, **ILLVSTRISSIMA PRZYIEMSCIORVM VIRGO**, sed dirigit eam & frenat, non Vulcani lupatis; sed zonulâ virgineâ auro & gemmis collucente; vt ostendat quod expansis manib9 ad applausum properet. Exasciauit **ILLVSTRISSIMA TARLOVIORVM** Bipennis, terribilem aciem suam; sed nō vt cadant, cædua deuictorum capita; non vt Cyrus in vtre sanguineo, cruorē quem sitijt bibat; non vt Romanæ Secures, inter Fasces Consulares difsecandis ceruicibus micent; sed ut, splendidissimo nitore suo, alliciat ad gratiam, invitet ad triumphum. **VIRAGO RAVICIA**, supra omnes Camillas spirat, supra Penthesileas; robore masculo eminet; nec Apros Erymanthios, sed Vrsas feroces Britannia domat; metuenda tamen feris est, non hominibus; ad quos è spelæis & tesquis syluestribus, per coniunctissimi affectus vestigia, tendit. Ad Asciam illi mellitum iter est, huc nobiles passus perurget, huc pulcherrimo tramite fertur; vt in Trophæo Connubiali, Victricem Coronati Amoris, hanc aureâ Bipenni erigat Maiestatem. Opus hoc excellentissimum supra omnia Septizonia, & supra Pyramides, Arcusque Triumphales iturum: Orbem attonitum non reddet, sed plaudentem, quia opus amoris est. Maiestas hæc, non perstringet oculos, fulgura ex alto coruscantia non mittet, nec imitabitur Iovem, cum maximè tonat. Vna Herois, tota gemmea, tota roscida, Idalio speciosa vultu; Maiestatem hinc loquetur, quam hilares gratiæ, & oracula cordium Virginei Pronuba pudoris loquuntur.

quantur. Victrix ergo Triumphalis Ascia, prodeat hæc Bellona, non instructâ acie terrens; non castris valloq; munita, nec sæuum ciens in prælia Martem; sed placidissimo aspectu, & extensis in Coelum manibus, hoc agens; vt protestetur, nihil se velle, nisi animorum gratias, nisi viscera cordium, & ex mutuo affectu, manubias Triumphales. Vestra hæc Illustrissimi NEOSPONSI Magnificencia, Vester erit triumphus, & in eo Trophæum satis heroicum; nimirum, ab Heroide PRZYIEMSCIANA erectum, satis exasciatum; nimirum, tota myriade annorum & meritorum, ab Augusta TARLOVIORVM ASCIA perpolitum: in quo triumphabitis, nouo Amoris paradoxo, Ambo Victores & Victi; è cortina Vestra Nuptiali, à me in Orbis faciem, paranymphe calami obsequio producti.

Operum ingentium prodigia, ad stuporem omnis æui elaborata, & eousq; magnificentia producta; vt animorum æstimatione capi non posse meruerint, delicatis tribuere manibus, & inter floralium curas molliores censere, piaculum esset; nisi in tot augustis, inter Semiramides & Artemisias operibus, Orbe coram id profiteri, conuicta iam olim Vetustas non erubuisset. Mares animos sequior non exuit sexus, vt Viros indole vincat, vt Endymiones & Sybaritas confundat; vt ostendat, Achillem quoq; sub peplo & tania condi; nec Diuam Parrhasiam, absq; ægide, galea, & sarissa, inter Cecropidas, nec Dianam, inter Ephesinas columnas, absq; venabulo spectari. Gentium dominia, bellorum fragores, victoriarum Trophæa, eductæ cælotenus, & ereptæ humanis obtutibus moles, à delicatis manibus proveniêre, non ad delicias; sed ad Orbis masculum robur, & stuporem. Delicatiores fuit in Adonide cerussa, in Paride chlamys, in Ganymede prætexta, quàm thorax in Bellona, chalybs in Clælia, in Cornelia virtus. Non vnus sanè sub clauo trabali ingemuit Sisara, trasfixusq; tempora ferro, æternū soporem ab illis orsus est manibus, ex quibus murænulæ & dextrariola pependerê. Non vnus, in roseo Dalilæ sinu, & cæsariem, & Cæsare maiorem Virtutem, deposuit Samson. Non vna truncum Holofernis conopeo inuoluit, vnoq; pugione, totiùs Orientis transfixit viscera Bethulix Heroïna. Verùm hæc, cruentis cædibus maduêre; & erexêre Trophæa interitu populorum formidanda. Longè illa pulchriora, & augustiora sunt; quæ dulcibus quæsitâ armis, hilaribus consumata gratijs, in Coronatum suauissimi Amo-

ris, p̄r Iunones Pronubas; surrex̄re Trophæum. Mausolea Car-
riæ, Muri Babylonij, contra omnem Graduum contumaces; locu-
ti sunt olim Heroinas suas; sed nunc siluere æternum, & in ruderi-
bus suis, infami pedum calcaneo teruntur. Peltatæ Scytharum,
Triumphatrices, cum inani sonitu, in Tanaim suum descenderunt.
Ægyptus, pretia Regnorum in vno poculi vnione, amplius non bi-
bit, cruor, rabies, fastus, exosa mortalibus, ab immortalitate pro-
scripta sunt. At quod inuenit Amor, composuit beneuolentia,
vnio mentium firmavit, ætatem habet, & sæcula vincit; atq; in
molem omnium sæculorum attollitur magnificentissimam. Hanc
Tibi RAVICIA VIRAGO, à sæculo immemorabili debet;
Antiquissima & Illustrissima DOMVS PRZYIEMSCI-
ANA. Tu quidem Regios Ortus Tuos duxisti, à diuisis ex-
tremo Orbe Britannis; sed non diuiso à Sarmatis amore, qui eti-
am sub frigidissimo Axe, in bella feruentius calet. Nocuit Tibi,
quod Regum Filia fueris; quod Fraterna opum ingluuies, Te in
offam mortis destinauerit; quod Purpuram & Maiestatem Nata-
lium Tuorum induta, ad lacernam vsq; damnari coacta fueris. Sed
non nocuit innocentiae catabulum, virginitati bellua, fiducia in
DEO ferocia, teneriori sexui, tenerior hominibus Vrsa. Hæc il-
la profectò Vrsa Cœlestis fuerat, quæ Cynosuram splendidissimam
habet, quæ curru inter sydera triumphali vehitur, quæ Cælestem in
Te Virtutem, pudicitiam nempe: profundo cultu venerata, non
tetigit, quod cæleste fuerat; & cum Tibi in voracissimum sepul-
chrum cedere debuisset; ecce quomodo facta est, in Currū gloriæ
Tuæ Triumphalem. Stupeat Orbis, mirentur sæcula, os claudat di-
gito nimum ambitiosa Vetustas; quæ plenis buccis Heroinarum
suarum prodigia crepat. Sufficit hæc vna Virgo, vt in Theatrum
& magnitudinem gloriæ prodeat, quæ ex belluis triumphat: quæ
castâ Zonulâ suâ captiuat, non vrsas sed Heroas, cui aciem suam,
non Quirineæ Secures, sed Illustrissimæ STARZARVM inclina-
uere BIPENNES. Angelicam hanc castimoniam, & castimo-
niæ victoriam, Anglia genuit, Germania excepit, Bohemia fouit,
coronauit Polonia; quidni eam ASCIA dulciter ambiat, quam Re-
giæ Virginis insignia decent: cum & ipsa, Regni in Orbe Poloni,
prima posuerit fundamenta. Sanguinis ergo Tui ILLVSTRIS-
SIME NEOSPONSE, ab hac Regia Virgine, satis augustæ cu-
næ & fasciolæ sunt; sed evolvere illas, angusti oris, & calami nō
est:

est: quem tanta sæculorum antiquitas, & superat & absorbet. Licet saltem eas, ab amabili Nomine, quia à KOCHANO VRSINORVM Familiæ inter Bohemos Principe, auspicari. Parebat tum Primo Coronato Capiti suo, nimirum BOLES�AO CHABRI, Regi bellicosissimo Polonia, ponebat columnas, ad Albim & Borysthenem, terminos dominij, sed non terminos victoriæ. pugnabat pro Sacro Brachio, Divi Adalberti Martyris, Otthoni Imperatori donato, brachium Divinæ potentia excelsum; cumq; Gentes in circuitu sentirent victorem tanti Principis Martem, læsam eius patientiam, etiam Bohemia sensit. Cum enim BOLES�AVM, contumax Gentis illius genius irritasset; iuit cum euaginato gladio, Bellator Princeps, in media eius viscera, Pragaq; Regni sede occupatâ; vicinitatis iura fragenti, vicini dominij iura & frena Bohemiæ imposuit. Perculerat fulmen illud exterritas Consanguinei Populi mentes; sed & vicerat beneuoli Principis Amor; apud quem, vt inter Primores esse mereretur, primus ad eum festinauit, Vrsinæ Familiæ Primas KOCHANVS, secutusq; Regem Victorem, Regiam quoq; Heroidem suam, trās tulit in Poloniam, innumeris victoriarum laureis, sub inuicto Principe coronatam. Inde VRSINI, ex Anglis & Bohemis, Sarmatæ facti; non ij quidem, qui in Lithuanicas oras, cum Romanis Columnis exacti venerunt; sed qui spontè, Sarmaticas Oras, & Nobilissimas mentes dilexerunt: RAVITÆq; ab eo Prouinciarum tractu, quem Raua flumen aluit appellati, Nomen & Genus suum Illustrissimum, per stirpes & Propagines latè diffusas produxere. Lucent quippè ad hæc vsq; tempora, splendidissima Arctois RAVICZIANÆ, Polo Sarmatico insertæ decora, in Natalib; DEMBINSCIORVM, GROTHORVM, GNIEVOSZORVM, longo sæculorum tractu, radiantia Ceris; quorum augusta vereq; heroica Virtus, splendidum omne Maiestateq; suâ decorum complexa; nouit semper clarum Patriæ accendere diem. Sed maximè lucidissimæ huius Cynosuræ, per varia Orbis Europæi climata diffusi splendores, in Tua concētrati Domo, magna Heroidis RAVICZIANÆ Propago, singulari etiā modo intra Tui Nominis clauduntur ambitū, capacissimū tantorum luminū centrū Nobilissime PRZYEMSCIORVM Sanguis. Pridem resplenduit in Te, æuiteriā sui memoriā hucusq; in animis seræ posteritatis coruscans ingens Tuæ claritudinis radius; Illustrissimus olim ALBERTVS

PRZYIEMSKI Castellanus Lanciciensis an veriùs dicam ; eru-
ditâ luce, aureo virtutum & consiliorum nitore, in folio Senatus
Poloni fulgentissimus Sol. Geminavit tanti Viri splendorem, An-
tesignanus gloriæ Maiorum Tuorum, cellissimi animi dotibus,
& Senatoriæ Purpuræ fulgoribus, ceu gemmis collucens; Illustris-
simus RAPHAEL PRZYIEMSKI, âlter Castellanus Lancicien-
sis, & nomine Angelus, & salubri consiliorum medelâ verè RA-
PHAEL prudens Reipublicæ Podalyrius. Bina hæc vivis lumi-
nibus coruscantia Patriæ sydera, Gemini Fratres Tyndaridæ, Ca-
stor & Pollux tantùm Senatui Polono splendoris, tantùm lucidâ
semperq̃ serenâ virtute suâ claritudinis attulêre, quantam prisca
olim Romani Senaculi Nomina, Marcelli aut Marij, nunquàm
Orbi Hesperio dedêre Magnificentiam. Stupet hucusq̃ attonita
Polonia, quorum tanto tempore, mirari satis haud potuit, mascu-
lum consiliorum robur, cuius labantis Patriæ sufferendo oneri
par, Maiestatemq̃ oris, non ad speciem compositam, aut superfi-
cietenùs splendidâ; grâde ostêtationis, sed leue Reipublicæ vtilitatis
argumētum: ast graui verborum instructam pondere, tanquam ex
Tripode, & animorum sententia dictam. Non finit animo efflu-
ere, aut longa temporum caligine obliterari grata Nomini illorū
posteritas: quorum memori pectore, signatum habet, boni publi-
ci zelum, non otiosum, aut persæpe frigidum; sed mentis feruorem
pro Patriæ integritate & communi Reipublicæ bono, cuiusuis
moræ impatientem, neq̃ vlllo sinistro respectu extinguêdum, ipsâ
Siculâ ardentiorē Æthna. Resplenduit tunc, augusta facies Po-
loniæ, cui adeò pulchrè renidens, sine vlla caligine, à Senatoria
PRZYIEMSCIORVM Purpura, reluxerat fulgor. effloruit can-
didiùs, à multis retro sæculis, sèper vernans semper floridum in Virili
PRZYIEMSCIORVM Toga, Sarmatarū nomē; cui tã affluens, ex
Auito sanguine, perēnitatis aduenit vigor: maturuit deniq̃ inclyta
Polonorum Virtus; cui ab illo geminato mentium Sole, ingens
consilij maturitas & perfectio. Ducit in obsequium vectigalem
honori suo calamum, pedissequa immortalis gloriæ, centum linguis
iactabunda fama, dulcis memoriæ STANISLAI PRZYIEMSKI,
Cohortium Militarium Ducoris, omni æuo celeberrimi. Proces-
sit fortissimus hic pro Patriæ integritate, Heroum Epaminundas;
contra Moschouitiæ potentia stupendas vires, illo spiritu anima-
tus, quo magnanimum Thebanorum Ducis pectus, hostium agmi-
nibus

nibus oppositum, hucusq̃ attōnitus deprædicat Orbis. Spectaue-
runt imperterritum contra quosuis aduersæ potentiaë impetus ani-
mi illius robur, bellorum periculis enutritam Virtutem viderunt
Serenissimi Poloniarum Monarchæ, SIGISMVNDVS AVGV-
STVS, & STEPHANVS BATHOREVS, quæ victricibus Pal-
mis & trophæis Martialibus in summum deducta, tantum emi-
nuit; vt ab ipsa Regia manu sibi imposito Præfecturæ Camene-
censis insigniri honore meruerit. Exstat hucusq̃ grande PRZY-
IEMSCIORVM virtutis exemplar, calientissimi affectûs erga Pa-
triam vnicum documētum effusus in bello Moschouitico CHRI-
STOPHORI PRZYIEMSKI fortium Virorum ocelli Generosus
Sanguis, cuius augustos manes à gelido Septemtrione non reuoco;
loquitur ille abundè quantum laudis, quātum apud posthuma sæcula
amoris meruerit; cuius sitientissimū gestorum immortalium zelum
cum nec hyperborei rigidi Aquilonis flatus extinguere, nec con-
stricta Boreali frigore gelidissimi Trionis tellus liberum pectus
compede glaciali coarctare valuerit; solum extinxit & obruit co-
piosè inundans acinaces Moschouiticos cruentum diluuium. Non
poterit ergo latere etiam sub concreta brumali frigore terra fama
superstes Nominis PRZYIEMSCII, imò florebit candidiùs in-
ter albicantes niuium pruinas sanguinis eius Purpura; effusus ve-
rò pro Patria Spiritus, erit anima loquens, & spiraculum gestorum
illius, ardentior igniculis Promethei contra Moschos animi eius flā-
ma; erit lucidissima Poli Sarmatici Helice, in Gentilitijs PRZY-
IEMSCIORVM splendoribus, nullius obliuionis extinguenda
caligine, erecta immortalis gloriæ Pharus. Hic iam assurgere,
Magno Nomini Tuo minimam suadam meam in Panegyres iu-
bet Caduceus Tuus, qui Curias Regum & Maiestatis negotia di-
rexerit, Illustrissime ANDREA PRZYIEMSKI, Marschalce
Curiaë Regni, Kuninensis Koualscensis Præfecte. quātum felici re-
gimine Tuo & multiplici cura retinuerit florem, Curia Regum, non
vnius Panegyris, nec calami huius tenerioris, opus est. Loquatur
de Te illa Maiestas Aulaë, ille Reipublicæ decor Tuo concreditus
Magisterio, & sub Tua directrice manu, factus omnis splendoris
omnis Magnificentiaë amplissimum theatrum. Loquatur & vocale
illud animi Tui Palatium quanto splendore intus & extra decorū,
quàm Magnifico opere ad stuporem sæculi elaboratum, quàm al-
tum sublimibus Virtutum columnis, quàm conspicuum micante,

probitatis auro quàm nitidum argenteo mentis eburne, quàm pulchre distinctum collucentibus rectefactorum gemmis fuerit; ut Regia Virtutum illius, veriùs Solis Regia ignibus Cælorum æmula esse videretur. Sed pondus hoc ingentium Curia Regni laborum, non tam viribus labans; quàm annis urgentibus cum liberè resignasset: post turbines & curarum procellas, halcyonia agere constituit, & interstitia à laboribus bonis mentibus amica servare animo proposuit. Verùm aliter tenacem propositi Virum Superùm placita disposuere, aliter emerita Virtus optantibus cunctis visendum exhibuit Orbi Polono PRZYEMSCIVM; quando maioribus destinatum honoribus, Senatorijs admovit Curulibus, & Gnesnensis Castellatus fulgenti Purpura condecoravit. Vbi quàm Illustris non tam honoris novitate & accessione, quàm potius splendidâ virtutum luce eminuerit; quanta Togati Senatus particeps factus laboranti Patriæ dederit consilia quæ tamdiu antea direxerat; Orbis de eo iudicium, & coævam PRZYEMSCIO Magnorum Poloniae Senatorum fidem appello. Suscepit pari humero, ingentes tanti Patris curas succedens Herculi Athlas, Illustrissimus STANISLAVS PRZYEMSKI, Marschalcus Curia Regni Generalis Maioris Poloniae, Avus Tuus ILLVSTRISIME NE-
OSPONSE. Absolutissima hæc Virtutum idea, boni publici amore ardens Flaminius, veri & æqui propugnator fortissimus, tantum æstimationis apud Principes, tantum amoris & authoritatis inter Cives Patriæ habuit, ut in unico eius pectore cõpendiatos honorum splendores intueri nullius Zoili oculus inuideret. Quippe nec habere in tanto Heroe quò pertingerent maleuolorum tela, aut ubi Virtutis Comes dominaretur invidia; cum totum sibi merita PRZYEMSCII vendicassent. Cui non subito passu, aut per aliorum fastidia ad honoris eluctari fastigia commune erat; sed per quæsitum longo tempore Orbis Europæi cultum, per impensa Regibus obsequia, per toties obiectam hostibus inuictam animi fortitudinem, maximis emeritæ Virtutis gradibus summa honorum assequi subsellia peculiare fuerat. Primus honoris illius gradus Præfectura Koninensis, in pignus probatæ per tot annos Regibus dexteritatis in eum collata, ultroq; adeò emeritum illius caput ambiens coronare; quòd nihil in illo ætatis flore, nisi Coronis dignum agere, iudice virtute novisset. Verùm non hîc meta aut terminale non plus ultra honorum, altius assurgit, quem non populares

auræ;

auræ, aut Principum fauores attollunt, sed Virtus excelsa sublimat, oculisque omnium eripiens cellissimas animi eius dotes, eò infert; quò nonnisi probitas aut rectefactorum conscientia pertingere potest. Hæc ergo dedit album calculum **STANISLAO PRZYIEMSKI**, ut post Marschalcus Curia Regni, & Maioris Poloniae Generalis dignissimus efficeretur. Gaudebat suo tam excellenti bono Maior Polonia, tam insigni Marschalco Curia Regni. viderunt magnum Iustitiæ Præsidentem Castra, æquissimum iurum & legum obseruatorem Iudicia, acerrimum Maiestatis Custodem, Regum Palatia, splendidissimum Curia Solem, Poloni Senatus Proceres vniuersi. Floruit tanto Præsidente Iustitiæ vigor, fuit ubique pax & securitas publica, triumphauit denique in Gentilitio eius **URSINO** Astræa Virgo, quæ nè sola tantum, aut propiorem in stellato Cœli baltheo ancipiti Libræ locum haberet, aut ipsa æquam bilancem manibus gestare videretur, etiam in Sarmatico Olympo, æqui iustique stateram Gentilitiæ suæ Viraginis manibus pendulam effecit **PRZYIEMSCIVS**. Denique tanto Virtutum apparatu instructum pectus suum, & multiplici Divæ Themidis firmatum præsidio, adeo coniunctum indissolubili charitatis vinculo Superis fidumque; **DEO** reddidit Anima illa Sancta, ut hæreditati suæ cælitus adscriptam, non Dodonæam aut fatidicam; sed Cœlorum Reginae **ZDZIESZOWIENSEM** ad Oppidum Borek syluam, pietate in Deiparam Virginem ardentem flammisque deuotæ mentis incensum Orbi Polono exhibuerit rogam. Quippe Diuinum illud Maioris Poloniae Pantheon, tantum decoris, tantum Maiestatis à liberali **PRZYIEMSCII** manu sortitum est, ut plâratio nem hanc Cœlestis in terra Paradyfi non tantum primus auxerit sumtuoseque dilatauerit, numerosam Sacerdotum coronam magnificam, iucundo concentu dulciq; harmoniam suauem, Orphæis & Amphionibus instructam reddiderit; verum etiam amplissimis gratiis & priuilegiis, Romæ à Vaticana Summorum Pontificum sede impetratis dotatam, ipsum denique, Divæ Virginis Paludamentum, auri & argenti effuso pondere tam graue & splendidum effecerit; ut omnes Principum gazas, omnia mundi decora, Maiestate suâ liberalitate & magnificentia **PRZYIEMSCIORVM** superasse hucusque videatur. Inter tantos Maiorum Tuorum splendores, iuuat meminisse Bellatoris illius maximi **ALBERTI PRZYIEMSKI**, Castorum Præfecti, post Gnesnensis Castellani, cuius genitrix im-

mortalitatis fama maior post cineres, viuaxq; virtus expers fatalis sepulchri, habet notitiam seræ posteritatis; pulsatq; dulci recordeatione animum meum tonitru illud bellicum, quod fulmineo ictu toties hostilem perstrinxit aciem, quoties Polonus Mars, arma virumq; canens deterfa ferro rubigine, sæuo indueretur splendore, quoties innutrita illa Castris anima, ferrum & hosticum omne experta, Castris Regni Exercituū (quod summa virtus eius poposcit) præesse videretur, tantoq; post splendidior Polonus hic Marcellus, inter Curules Senatorias Purpuram induere meruit, quanto eandem millies in sanguine Otthomanico cruentauit. Quem, licet inuida viris fortibus fata, rapacesq; Lachesis manus, sarcophago mortalitatis inuolutum, Coronis & Palmis victricibus, Purpura deniq; & vita spoliatum è medio Reipublicæ sustulerint, non omnem tamen illius memoriam mortis caligo deleuit, non omnem partem gloriæ, prædatrix Libitina abstulit. Viuit ille meliore, sui parte etiam post funera superstes, quem Bellatrix tanti Martis Amazon, iustis à morte eximit vindicijs, Illustrissima SOPHIA de Przeyma Nobilissimus Magni Sanguinis flos, transfususq; in bonam mentem Generosi Patris spiritus, heroicarum virtutum, imago, Matronarum ævi illius decus & delictum, quæ KOSTKANÆ Coelisq; consanguineæ Domui vltimo Hæredi nupta, illoq; (sic volentibus Superis) in pretiosam æternitatis Coronam translato cum Illustrissimo IOANNI de Bnin OPALINSKI Palatino Calissiensis, nimium dilecta in Connubialem cesserit Coronam; immortalis gloriæ plena, pietate in Zdzieszouienſe Magnæ Virginis Sacrum insignis, ærario probitatis opulenta, in Gentilitia Argo illius turbidum hoc emensa æquor, iam in littus æternitatis subducta, bonis auibus Cœlestis Patriæ optatum cum illo attigit Portum. Non quærit euectos in sublime Athlantum vertices, quin Olympum trāscendat gloriā Celsitudinis suæ grande illud Bellonæ spectaculum, decus & tutela Poloni Nominis, insuperabile bello caput, SIGISMUNDVS PRZYIEMSKI Notarius Campestris, & Armamentorum Regni Præfectus, cuius per campos Batovienses, calet adhuc Nobilissimi Sanguinis Purpura, & extinctus licet spiritus, vivit tamen in cordibus omniū, qui totus cor & anima Gradiui fuerat. Eminent, ille infra cuius verticem omnes Statuæ & Colossi, & quem rectefactorum cōscientia, supra omnes gloriæ vertices attollit; meritis bello paceq; tam ingentibus, vt scribentibus de se pro elogio

impe-

imperet silentium. Nullus quippe sæculi nostri Gradivus, nulla bel-
lorum moles exstitit : quæ Athlanti huic cadentis Patriæ, non incū-
beret, vsq; ad laureas & triumphos. Iuit ille intrepidus, contra Scy-
thicum & Cosacicum furorem, factus Lechicæ Gentis Murus Ahe-
neus, Sarmatici Gradiui comes, vis & spiritus, hâc infelici tempo-
rum reuolutione, quâ Parricida ille & immanis helluo Christiani san-
guinis, nimirum Timotheus, Chmielnicio proli suæ sceleratæ Epi-
thalamicos ignes accendere cogitans, eoq; infelici prætextu, contra-
ctis copijs, & evocato in Campestria Nuradino; atrox Poloniæ,
vsq; ad Cineres & favillas, lectissimi Exercitus Sarmatarum causauit
incendiū, floremq; Heroū nobilissimum, in vno oculi ictu, ceu acuto
Saturni invento, in Campis Batouiensibus succidit & demessuit, vt
ex hac ferrea Gradiui, & pilorum mortem sibi minantium segete,
nobiles Polonis, in fatalibus campis, exrescerent Palmæ. Nunquam
tamen funestum hoc Poloni Exercitus Ilium, fatalem Schytharum &
Cosacorum fensisset Vulcanum, si res, quæ iam fatis vrgentibus in
præceps ibat, ex invicti animi eius sententia, & heroicæ mentis con-
silio stetisset. Orabat quippe, & vultu illo, ac spiritu Mavortio ob-
testabatur eos; penes quostum summa rei bellicæ fuerat : vt subdu-
cto Equitatu, flore q; hoc Virorum Patriæ, & rebus melioribus serua-
to, pedes interea, cui ille præfuit, vim hostis sustinendo, intra Valla
maneret, modo apparatus belli, & annona obsessis sufficeret; sicq;
experiri cupiens, quid virtus Polona, quid temeritas hostium ampli-
us posset, vallo ac operibus inclusus, gemino Mense aduersam vim
sustinere promittebat. Perorabat pro illo ingentis animi spiritus, he-
roica omnia spondens, & iam in opera bellica audentius prorum-
pens. Sed versis alio consilijs, obfirmatoq; in nouissima Campidu-
cisanimo, qui tantum sibi credebat experturus, quantum cæteris pos-
set, cui in omnes imperium : & cum iam immanis clades nostris cer-
uicibus incumberet; horrendaq; strages momento omnia consume-
ret, non tulit audaciam PRZYIEMSCIVS, ac ne in verbis, quam
actu flagrantior esset, se cum peditatu obijcit, & omne suorum robur,
in aduersos vertendo, dum strenuè pugnat, immemor sui & prodi-
gus magnæ animæ, memor gloriæ atq; Patriæ, mortem antiquis
Ducibus formidandam, intrepidè tulit. satis iudicans ad vitam, se
potuisse, fortiter pro Patria mori, & sanguinis pretio, thesaurum
æternitatis cōparare. Cæcidisti cum alijs Heroibus magne PRZY-
IEMSKI factus hostibus Victima, sed vt æternum, datus sæculis o-
mnibus

mnibus in exemplum, tantus & tam amans Patriæ Heros sine exemplo, memoriâ famâque Nominis Tui immortalis stares, stabilisque summâ virtute & gloriâ inextinctus, cui in Coronam æternam stat erectum in cordibus omnium non alicuius Artemisæ; sed Tuæ manibus Heroidis immortalitati exstructum Mausoleum Triumphale. Verum euocant adhuc in sui panegyrum, etiam multos & elingues Memnonas animantes Clarissimorum Virorum maiores in occasu, prout & solis radij, ingentes stimuli dictionis meæ, non tam auitis Maiorum imaginibus, quam virtute propria præcellentisq; animi cultissimis dotibus Orbem Sarmaticum illustrantes, Purpurati Patres, ac in sellis Curulibus Censorini & Nasicæ, **CHRISTOPHORVS & PETRVS PRZYIEMSKI**, Culmenis & Sremensis Castellani. Quales quanti; fuerint, quam eximie cumulatim omni genere laudum, quam conspicui illustri in Rempublicam meritorum fama, quâ valuerint apud Reges gratiâ, apud omnes auctoritate, quam fuerint excellenti in Deum fide, quâ prudentia & pietate præcelluerint; quanta Reipublicæ & quam salubria dederint consilia, quo Patriæ amore incensi eandem à Suecico Leone toties defensâ & malis ingentibus ereptâ seruauerint, quam deniq; admirabili eruditione ornati, & recondita singulari; Literatura perpolitum claruerint: si hæc omnia recensere mihi animus esset, haud aliud profectò mihi faciendum putarẽ, quam male feriatus ille, qui solem ipsum lucidissimum mundi oculum illustrare malignâ candelæ luce moliretur. Leguntur vestigia hæc virtutis & famæ illorum, in depositis ad magnæ Virginis Zdzieszouiensis pedes augustis Cineribus; nõ leuiter ad exigui temporis prædicationem impressa, sed fixa firmiter ad memoriam sæculorum omnium sempiternam. Ast Tu mihi iam mentem inuolas, qui dulci recentis memoriæ spiraculo amanti Patriæ Ciuium pectora reficis, splendidissima Heroidis **PRZYIEMSKIANÆ** Corona, non vnius sæculi famam complexus, & victrici Maiestate Tua oculos euerberans, in gloriæ Maiorum Tuorum Theatrum visendus progredieris **ANDREA PRZYIEMSKI** Vexillifer Califfiensis, Magne Neosponsi Parens. Sed infers tecum, Magnorum Progenitorum, **STANISLAI PRZYIEMSKI**, Curia Regni Mareschalci, & **ANNÆ OPALINIÆ** viuis coloribus adumbratam imaginem: quam in Te, morum suauitate, omniq; Virtutis elegantia adeo expressisti; vt nitidissimum Magnæ mentis eius speculum, & accurata excelsi animi idea esse videaris.

dearis. Maior tamen titulis omnibus ex Teipso æstimandus ap-
 pares: qui acceptam à maioribus lucem, faustis Tuis sub penetra-
 libus non fouisti tantum; sed præclaris Tuis facinoribus splendi-
 dam, curisq; publicis æternum deuotam adeo dilatasti: vt rectefa-
 ctorū Tuorū cōscientia, Orbem Polonū, procul dubio & assætatione
 illustraueris. Maxima certè dicentium de Te panegyris est Sacrari-
 um virtutis Tuæ verè augustum, verè heroicum, quod Americi Ve-
 sputij Conchæ, centum & triginta vniones in se continentis preti-
 um, admirabili naturæ & virtutū copia affluens vicit & excessit, in
 quo illibata mentis candor, sincera bonorum congeries, mores me-
 liore metallo ducti, amor æqui iustiq; reuerentia, læta grauitas &
 mentis pondus amabile, boni publici incomparabilis amor, pietas
 Diuino cultui impensius addicta, honoris Mariani pectus zelantissi-
 mum, ordine pulcherrimo distincta videbantur. Voluisti tamen o-
 mnia hæc non uulgaria gestorum Tuorum decora, sub Gentilitia
 Dolegarum Rosa, Krêtkouiæ & Sokolouiæ Domūs Nobilissimo
 Sanguine CATHARINA PRZYIEMSKA Cōsorte Tua lectissi-
 ma, ita latere; vt Orbis secretum effugerent. Verum immortalia facta
 Tua, augusto hoc sanguinis inuolucro tegi non potuerunt, ast arca-
 no quodam fatorum consilio cessere Tibi in decus, & perenne Do-
 mūs Tuæ ornamentum: imò celata sub hoc Connubiali decore, au-
 gustius Tibi effloruerunt in speciosam virtutum meritorumq; Tuorū
 Coronam. Adscripti sunt Consanguinitatis vinculo flori huic
 Magni Comites ROZDRAZEVII speciosissimæ Poloni Hymet-
 ti Rosæ quæ gratissimo famæ suæ odore, Sarmaticum Orbem huc-
 usq; reficiunt. Sed quis demum singula Domus vestræ ornamenta
 edisserat? quorum laudibus non in nucleo Homeri Ilias, sed tota Si-
 byllæ folia parum essent. Quis Sanguinis Vestri decora nexusq; au-
 gustos per summa Prosapiarum capita ductos, enumerando recen-
 feat? Quis CZARNKOVIOS, GRVDZIENSCIOS, OPALINIOS, LE-
 SCZENSCIOS DZIAŁYNSCIOS, GEMBICIOS, in PRZYIEMSCIANAM
 DOMVM longa cognatione descendentes, ex toto complectatur &
 singulos reuoluat? quorum vel ipsa Nomina Orbi proferre, Pane-
 gyres dicere est & Coronas. Ex tam heroico Maiorū spiraculo in-
 dolē excelsam & geniū Vrsino dignum hausisti, cui Nostri deliciū,
 PRZYIEMSCIANÆ gloriæ tot sæcula complexus Illustrissime
 ALEXANDER PRZYIEMSKI, Regni Poloniae Subdapifer,
 Neosponse Dignissime; qui vnus omnia Auitæ Domūs lineamē-

ta refers, Maiorum Nomen, Maiorum Anima, vnusq; mensura cæ-
terorum. Non satis fuit magnitudini gloriæ Tuæ, accepisse à Ma-
ioribus Sanguinis & Virtutum Magnæ famæ spiraculum, non suf-
fecit ad mensuram Nominis Tui claris Antenatorum gloriari ima-
ginibus; nisi æque proprijs clarere Virtutibus hereditarium Ti-
bi fuisset. Inclaruisti statim in primo Iuuentutis Tuæ flore, quan-
do capacem sapientiæ mentem honestissimis disciplinis pulcherri-
mè instruxisti, omniq; literatura ita excoluisti; vt Tuis æqualibus
incitamentum & stimulus, reliquis stupor & admiratio fieres inter
studia literarum. Alij florem virtutis vmbaticos inter lares oc-
cultant, ac si ad alieni solis aspectum pristinam amittant eleganti-
am, quam veriùs Paternos decoquunt ad focos, vmbrales Ani-
mæ nec pulchrioris fortunæ fabri. Tu excelsam mentem Tuam
Magno parem sanguini, culturâ ingenij morumq; positissimis do-
tibus exquisitè instructam, extulisti in lucem publicam generosi-
or Aquila, non vt alieni solis indigus ab exotico splendore Tuæ
claritudinis geminaret iubar; sed vt domesticum latè diffunderes,
Orbiq; Europæo visendum communicares. Apparuiisti vel ex eo
Magni Nominis ALEXANDER, quia vnicus Tibi non suffecit
Orbis; nec Maioris Poloniæ ambitus, satis capaces erant Virtutis &
Magnitudinis Tuæ. Ergò quia Vrsino Tuo dulce fuerat Exotico-
rum prudentiâ crudiri, Augustum mentis Tuæ Capitolium virtu-
tumq; omnium Pantheon Vrbi Capitoliæ intulisti: non vt ibi ceu
in Perside cum Pelleo Iuene nomen quæreret, quod satis clarū do-
mi habuisti: non vt Tua velut Alcidae trophæa sub alieno sole ma-
turesceret, cum antea satis Te grauem & maturū moribus, in imma-
tura licet ætate Polonia viderit: non vt cum Iasone clarior pericu-
lis inde euaderes; cum iam in Patria satis clarus animi dexterita-
te appareres; sed quia Magnitudo animi Tui, natalis soli angustijs
Patrijsq; Penatibus non potuit detineri. Recreasti tandem dulce-
dine præsentia Tuæ mæsta Patriæ viscera redux fortunatus qui ex-
pectationi publicæ maximū Tecum aduexisti solatium, cum quid-
quid Terrarū & Gentium, ad formandā animorū elegantia Orbis
Europæus ambitu suo cōplectitur, totum id in vsum & profectum
Tuum cōuertens, demum obsequijs Patriæ & utilitati Reipublicæ
alacriter impēdisti. Vidit imprimis augusta facies Poloniæ, illudq;
spectatissimū virtutis heroicæ theatrū, in Comitijs & Cōuentib; pu-
blicis maturū animi Tui vultū, Maiestatemq; oris verborū pōdere
splen-

splendidam; quam toties cum stupore omnium explicasti, quoties ad Comitata Regni Nuntium totque; animorum Athlantem huic oneri nunquam succumbentem gloriosè peregisti. Suspexit & leuior Vertu-
mno fallaxque; Moschua os Tuum aureum, florentemque suadè demirata est illa septemtrionalis plaga; dum Legati functus munere cum magno Sarmatiae Cynea Grzymultouio Palatino Posnaniensi, tractantes negotia Patriae cultissimus inter barbaras Gentes Demosthenes, locutusque es Maiestatem Regni Sarmatici & gloriam animo tam ingenti & ore tam augusto, ceu ipsa regnatric Maestas è fastigio suo loqueretur. Aequasti demum illustribus factis magnitudinem Nominis Tui, impleuisti erudita animi luce Maiorum splendores, coronasti omnium de Te expectationem gratissimo euentu, quando Auitas Maiorum Ceras non permisisti inter vitia diffluere, aut splendidissimæ Natalium Tuorum Cynosuræ ignobilem obduci nubem, sed haustum à Maioribus Sanguinem pulcherimum virtutis Tuæ muricem effecisti! non exulauit tamen hinc, imò nitidius adhuc effloruit in Purpura Maiorum eburneus mentis superansque lilia pectoris Tui candor; verbo dicam, fuisti semper ALEXANDER, non prout nomen ipsum postulat, Terror Orbis, sed amor Ciuium, delictum Populi, singulareque; Maioris Poloniae oblectamentum. Placuit virtus hæc Tua, verèque; Macedonica in agendo dexteritas, in conficiendo felicitas, sapientissimo Poloniarum Moderatori Serenissimo IOANNI III. placuit inquam mens Tua cuiusuis officij gerendi capacissima, pectus amore Patriae zelantissimum, prudentia maximo par Catoni, animi denique; magnanimitas digna ALEXANDRO; & nè emeritum in Patria Caput tanti Herois incederet absque Corona, Prudentissimus Reipublicæ Argus ex alta mentis suæ specula prospexit; dum Te Regni Poloniae Subdapiferum Dignissimum effecit. ALEXANDRI olim Magni effigiem, dignam augustis operibus signandis Cæsarum Augustus in suo annulo sculpi voluit; sed melius augusta Superum ordinare decreta, dum cultissimam animi Tui imaginem, pretiosæ Coruinorum Annuli gemmæ, non Lysippi alicuique, ast Heroidis PRZYEMSCIANÆ manibus æternum sculpi fecerunt. Ad tam augustum quippè Virtutum Tuarum manusque; Regiæ Coronamentum, nihil Tibi prius debebatur, quàm nitida Cordis Corona, Magnique Sanguinis pretiosum Monile, rarior Coruinorum Annuli Gemma, Illustrissima SOPHIA Coruina GASIOWSKA, quæ posita ut signaculum super Cor Tuum, cum Tibi fædere Conubi-

ali pectus obfignasset, nunc improuisa fatorum vi fracto Coruinorum annulo, iam oculis non tamen animis excidens & pretiosæ immortalitatis Coronæ inserta Gemma hæc, vitam sigillo æternitatis consignauit.

Ast dedere Tibi boni Superi, in solatium & medelam tanti doloris; alteram ab aureo & antiquo Starzarum sæculo lectissimarum Virtutum Sponsam, Magnorum Parentum carissimam Progeniem, & inter reliquas augusti Filiarum Sanguinis teretes gemmas; omnino clariorem Carbunculum THERESSIAM de Szczekarzowice TARŁOVIAM. Cuius Triumphalem Asciam etsi Victrix Tuæ Heroidis Maiestas, expansis ad spolia amoris manibus egerit in triumphum; id tamen delicatam in Regno à tot sæculis Ascix cerussam minimè deformat, imò quàm pulchrum est illam sic vinciri & tamen eminere non ut olim inter Consulares Romanorum Fasces, sed inter dulces tenerrimi affectus Bellatricis Tuæ amplexus; quàm decorū & volupe est, eam non Labrodei alicuius Iouis, sed Regijs Rauiczianæ Virginis prætendi manibus, illudq; PRZYIEM-SCIANYM inter auspicatos Hymenæi applausus audire occini: Teneo Te Ascia. Amor quippè Triumphator mentium placidus ac suavis, & tamen tot Victoriarum Achilles, cum imperio suo omnia frenat, est certè inuictus animi Bellator, tot victricibus cordium manubijs, quot debellatis amantium affectibus diues, sed quàm dulcis est & Ascix ex voto illius inter amicas Tuæ Amazonis palmas omnium Nobilissima victoriæ Palma, quàm leue subeunti aureum Maritale jugum; si vincula hæc amantissimæ captiuitatis, adamantinas libertatis suæ reputat compedes, & felicioris fortunæ Arcadios nexus. Vicisti ergo Illustrissime Neosponse amicâ manu, quâ iam tenes Triumphatricem tot sæculorum Asciam, sed erigit illa Tibi in augusto pectore Sponsæ, Coronatum Rosis & Gemmis Trophæum, vt Asciam Sarmatici Imperij Architectam, cuius excellentissimo operi exstruendo, ipsi Praxiteli aut Dædalo parem esse intelligas; quæ in fundamentis Regni huius, cum primo Conditore Lecho ingentibus suis meritis fidelissimè laboravit, & hucusque tanto ævi spatio, minimè hebetata acumine suo non desistit operari. Debetur certè illi Corona sæculorum gemmea omniq; principe metallo pretiosior, tanquam Principis in Regno Familiæ insigni Nobilissimo, debetur Regium Sceptri decus & Purpura, quibus ornata resplenduit tunc Coronata in Regno Ascia, quando deficiente Lechi

Prole

Prole (quæ noviter inchoati Regni sustineret gubernaculum,) & in
duodecim humeros Palatinorum summa rei Polonæ devoluta; Di-
ctator Toporeus inter duodecim Palatinos supremum fastigium oc-
cupabat. Maiora certè sunt hæc Toporeorum decora quàm stylo
circumscribi, Illustriores Ascix splendores quàm ingenij acie scru-
tari, antiquior Starzarum gloria non sæculis aut annis, sed ævo &
æternitate mensuranda, quàm omni memoriâ hominum dignè atti-
gi possit. Quis enim vnquam Historicorum calamus in tantam
scribendi vim assurgere poterit, vt primordia Gentis Vestræ & an-
tiquissimam coævam Polonia originem referat ac explicet? quis
splendidissimum Ferrum hoc, quàm longo in Patria splendet ab
vfu, investigabit? quis deniq; Archimedes in Sarmatico Olympo,
Illustrissima Domûs Vestræ Lumina, per tot Capita Prosapiarum
diffusa, ceu Stellas rutilantes Primæ in Polonia magnitudinis nume-
rando recensebit? Amplitudo quippè Familiæ Vestræ, rerum ge-
starum gloria, Senatorum & Heroum numerus supra captum omnẽ
positus, ipsa deniq; rerum & nominum magnitudo, velut nube qua-
dam profundiori splendores Vestros abscondit, & spectatissimum
Ascix jubar humanis eripit obtutibus. Nec ego tam dives aut opu-
lentus haberi volo; vt omnia prisca ævi Toporeorum pretiosa Mo-
nilia, levi huic Stateræ appendam; nec tam curiosus indagator esse
cupio; vt antiqua Maiorum Vestrorum Nomina, in lucem publi-
cam de monumentis suis loco moveam; nec tam amplius sermone,
vt Augustos illorum Cineres minimâ styli mei concludam tumbâ;
nec deniq; tam perfectus, vt omnes Antenatorum Vestrorum ima-
gines, cum Apelle, tenuiori paginæ huic inseram: quibus inscri-
bendis, vix Cælum in paginam extensum sufficere possët. Vene-
ror potius Harpocratico instituto antiquitate venerandos Starzones
& Strazones; Comite prosequor taciturnitate, Magnos in Pani-
grodz, Luknia, Danaborz, Pregonia Comites Toporeos, libens præ-
tereo supremos olim Regni Exercituum Imperatores & Præfectos,
Palatinos Cracovienses, Sethegijs seu Sieciechos, quorum Primus
Claustri Sieciechouienfis cum Boleslao Chabri Fundator, Magnaq;
Patrimonij sui parte auctor exstitit. Remotissima antiquitate ob-
tectos non vindico à tumulo, Zegothas, Novogios, Ottones, Ca-
stellanos, Palatinos, Cracovienses & Sandomirienses, Teczynios
Scipiones Lechicos & Sacri Romani Imperij Comites. Ossolinios
Pericles Polonos, quibus Virtutis Corona Ducatus in Ossolyn, ab

Vrbano VIII, & Principatus S. R. Imperij à Ferdinando II. Imperatore oblata est. Non misceo Tuis laudibus iam pace beata quiescentes, Religiosissimos Zbylutas; fide illibatâ & amore boni publici incomparabiles Vloſtouiſ Comites Xiãznenses, inuicta animi fortitudine ac singulari pietate celebrandos Korycinios Comites Pilecios, arte & Marte clarissimos Zaklikas, quibus hîc recensendis & enumerandis sæculorum non vrgeo memoriam, nec Diuos tantorû Heroum manes cælitûs euoco: quiescant augusti illorum Cineres, iam fato suo suisq; honorib; functi, & fastis immortalis famæ inscripti. Sufficiens ætati nostræ, qui omnē gloriæ meritorumq; mensuram impleuerunt, traducto in se à Maioribus Sanguinis & virtutum magnæ famæ spiraculo, noui Patriæ Camilli: Neorius T A R Ł O; IOANNES & alter IOANNES, Sandomirienses Palatini ab Ottonē de Szczekarzovice Palatino Sandomiriensi, per Nouogios & Teczynios præcedētes, quorû vnusquisq; Athlas labētis, Lycurgus stantis Patriæ dici poterat. Sonora est hucusq; vox clamātis famæ nominis illorum per Poloniam, quàm Herculeis passibus ad publicum decus & commodū, ad immortalem deniq; gloriam contendētes, per ardua quæq; & confragosa ferisq; obsessum iter, rapido cursu niterentur: quibus ante laticlaviū honoris, Consilij in animo Purpuram & Senatum præferre, ingens negotium fuerat. Ambiebat ergo Senatorius murex iam benè notos sibi illorum lacertos, ingentium meritorum in Republica baiulos, cui magnum illicium est, vt sequaces amiciat; fuisse pro decoro gestum à primis. Nobilis quippè Maiorum Sanguis, quo censerî æquè ac proprijs clarere Virtutibus Tartonibus hereditarium semper: est omni ostro fortunæ ad purpuras felicior; nec tam pulchrè alieno cruore, quàm proprio Natalium murice tincta Senatorum Conchylia rubent; qui & Illis Sydonio succo pretiosorem, ad chlamydem Senatoriam, subministravit colorem. Quàm ergo decorum est, filios Solis non fieri Phæetontes; tam pulchrum fuit Illos Tartovios, Paternorum splendorum prudenter non temerariè æmulos exstitisse, multoq; pede tritam eorum viam arripuisse, & vel in pulvere legisse vestigia, qui sibi antecedaneo passu magnum gloriæ iter insigni Virtutum calcaneo decurrentes, prævivere, quorum augusto Nominis meritisq; in Rempublicam. noua cumulatione semper maioribus, gratæ posteritatis industria inscribet æternū duratura saxa. Inter ferream, & velut ex chalybe malorum cusam, infelicem præsentium annorum duritiem, iam to-

tam

tam sub incude Vulcania gementem, ex aurifodina illa antiquioris
sæculi libeat eruere purioris metalli Virum, cui & ipsa animi excel-
lencia aureum providit Nomen, **NICOLAVM TARŁO** Supre-
mum Regni Cancellarium. Consignat quidem aurei ævi signacu-
lum signatorius eius annulus os meum: vt de tanto Heroe loqui qui
gemmas non possim, piaculum mihi sit; ast vbi purissimum mentis
eius obryzum loquitur, Tullius ipse tacet. habet nempe metallorum
Princeps suam eloquentiam, ad cuius splendorem & Mantuana Mu-
sa obmutescit, & Demosthenis facundia obtunditur. habet & iste
inæstimabilis olim animi pretio Vir, Regniq; Nostri in suo annulo
pretiosus vnio, habet inquam (si fas est arcana annuli vulgare) me-
tacente divitem meritorum in Republica gazam, virtutum cimelia,
principem animi glebam, quæ pro illo ore eius augusto, quo Reges
loquebatur, linguis & voce omnium disertum agit Oratorem, ipsa-
que Patria, est vocale idioma immortalium gestorum eius; nec re-
putat vel semel loqui pro aureo Poloniæ Ciue, qui toties pro Com-
muni Patriæ bono, pro integritate Reipublicæ, velut alter redivi-
vus pro Rostris Latini maximus Author eloquij peroravit, qui de-
niq; totus in vsus & commoda Patriæ aureus fuit. nec ænigmata
loquor; cuius si caput nitidum aspiceres, quid? nisi aurum optimum
sapiebat; si os eius & linguam pensitares, hæc tota anima Reipu-
blicæ fuit; si deniq; augusti pectoris Conclaue scrutatus fueris, bono-
rum omnium gazophylacium, omnisq; honesti elegantiam diceres.
Nec tantum illi flos oris facundo vernabat germine, aut solus dul-
cè sapiebat atticus lepos; ast in ipsis rebus fundata gravitas, purus
animi Candor, illibata Principibus fides, veri cordatus amor, au-
reum Virum visa fuerunt solidasse. de quo si Cyneas & Demosthe-
nes totus, (qui ipse talis in Republica fuit) omnia dixissent; re-
stat velut post guttam, Elogiorum eius Oceanus totus. Re-
nouare si fas est doloris publici profundè inflictam cordibus o-
mnium cicatricem, hiansque ictu valido mærentis Patriæ vulnus,
quod cadentis in fatale marmor de sede sua vnus Ascix, benè exa-
sciata in Ceruicibus hostium incidit acies; quæ nouerat stans ad-
huc, aurea Patriæ Saturni condere sæcula: reuocamus pridem pe-
rennibus memoriæ saxi, & æternitati benè descriptum Nomen.
Tuum, Illustrissime olim **IOANNES TARŁO**, Regni Poloniæ
Incisor, cuius Gentilitius splendor ceu excellens sensibile, lædit qui-
dem insipientis sensum; nec assuetam tantæ luci inuestigandæ in-

genij mei perstringit aciem: & quod tenebris diutiùs affuetis euenire solet cùm in propatulũ solem venerint, acre oculosq; diuerberans lumen hebeti intuitu ferre nequeunt; idem mihi, ad primam excellentiæ Tuæ faciem cæcutire, ab initio pauere & in limine fatiscere cõtiguit. Si tamen penitius rem non iam apud me inuestigo, nec spiritus fatidicos & oracula Phæbi, sed lucem veritatis Historiã de Te consulo: video Diuinæ particulam auræ animum Tuum fuisse semper rasam tabulam, ab intra aureis virtutum characteribus scriptam, ipsis tantum Cœlitibus de pretio & valore sui notam: ab extra verò boni publici incõparabili amore, fideli Principũ Poloniæ obsequio exaratã, ferreoq; dexteritatis stylo, etiam apud Exteras Gentes immortalibus Cedris insculptam. Sed iam Te æui illius solem lucidissimum, oculis ereptum, nubeq; mortalitatis inuolutum, & mihi disparere video. Alius atq; alius, animo illabitur ipso sui aspectu gratissimus Ascix Vestræ splendor; alius mentem subintrat suiq; acie pupillam euerberat luminum vestrorum fulgor; alia Natalis Cœli Vestri, apparet constellatio; deniq; novus ab exuvijs mortalitatis, visendus exoritur nitidissimus ille mentium Planeta, Senaculi Poloni Maiestas & delictum, vox nimirum clamantis è Triumphali monumento, quod sibi adhuc in vita operum excellentium Dædalus architecta Virtute, aureaq; Bipenni exasciauit, Illustrissimus olim IOANNES TARŁO, Palatinus Lublinensis. Echo nominis eius quàm dulciter resonauerit in auribus omnium, etiam extralimites Patriæ, non est quod inquiras; satis vocalis est fama tanti Senatoris, vel in illo Legationis munere, quod in Transsylvaniam adeò dextrè legitur expeditivisse; vt Hercule Gallicano felicior, aureâ oris sui catenâ liberrimæ Genti regnaturum in Poloniam pertraxerit Bathoreum. Exultat certè ad eius memoriæ felicem recordationẽ Polonia, cuius in arduis negotijs dexteritatem, sapientiam ac prudentiam, toties agnovit & venerata est, dum illa temporum revolutione, nihil fuisse in Republica tam difficile vidit; quod ille magno animo aggredi, consilio perficere, autoritate tueri non potuisset. Sed magis dolet ac ingemiscit se amisisse, in vno Senatore, salubrium Reipublicæ Consiliorum verè aureum Tripodem; in vnico Heroe, fortissimum Achillem, in vna deniq; Ascia obscurata tantum iubar tantumq; Familiæ splendorem. Verùm si potuit taliter afficere, vastam sui ambitu totius Poloniæ corporis molem, eiusq; marentia iusti doloris cordolio movere aut sollicitare viscera, æter-

ra, æternùm extinctus vnus Herois generosus spiritus : quantò ma-
 jores excutit lachrymas, plorantibus oculis Sarmatici Trionis No-
 bilissimæ parti Podoliæ, servator eius fortissimus, & ob excubias
 Centoculo non dissimiles Argo in defendenda illa, Asciæ fortitus no-
 men natiuo idiomate Straza dictæ, integritatis suæ acerrimus Cu-
 stos HIERONYMVS TARŁO. Medulla hæc dolentis nostrum
 pectoris corpori suo avulsa; pupilla ista Aquilæ Polonæ oculis plus-
 quam Sinonia fraude erepta, Sol deniq; hic Cæli Sarmatici, iam in-
 terpositione Otthomanicæ Lunæ eclipsatus; quantum madeat lu-
 minibus, & quàm altè effuso lachrymarum profluvio immerfus de-
 ploret: æternos animam tanti Herois collegisse in Orbes, non est
 congrua & sufficiens huius paginæ Narratio, & ipsum Hymenæum
 dedecet iste dolor. Toties quippè triumphasse cum eo visa est vi-
 ctrix sæculorum Ascia, quoties ipsum Graduum spirans, totoq; Ve-
 fuvio ad res maximas incalescens, Hector ille spes salusq; Podoliæ,
 aut pro Troia sua stans Apollo, non septemplici Aiæ clypeo mu-
 nitus, aut totus Bipenni sua obarmatus, infestis Tauricanæ Phœbes
 ignibus Natiuam obtendit Asciam; ut nitore eius refracti incursan-
 tium radij, suos ferirent basiliscos. quoties deniq; victricem hanc
 extulit Dolabram, toties Odryfia Hydra fulgore eius excæcata suo-
 que ictu saucia, non parco immaduit cruore suum dedecus erube-
 scens. Post cruores ergo Thracios & vindicias Magno Sanguini
 datas, securius illi omnino fuerat ad Purpuras iter; cui grandior æ-
 tas, non ebriam bis tincto veneno de fulvo Phryxi vellere pretiosā
 pingebat lanam, sed toties profligatæ Cynthiæ Otthomanicæ pudor
 geminans ruborem, Purpuram Senatoriam colorabat; quam indu-
 ens melius sudores belli abstergeret, ipseq; Comes Virtutibus acri-
 ter instabat, & vltro se meritis iungebat Palatinatus Sandomiriensis
 honor, nisi Heros hic, augustiorem sibi Purpuram, fufum per vulne-
 ra sanguinem censuisset: cui sufficebat ad immensas animi gazas,
 meritorum ferax & ex seipsa ditissima virtus, volens magis digna
 esse, quàm videri in illo incedere Coronata. Ampliori sermone
 non retexo notas posteritati tanti Herois laudes, ut parcam rubori:
 nè qui olim ex modestia, ad induendam justam meritis suis erubuit
 Purpuram, tunc etiam ad tenues & insontes Oratoris iustius erube-
 scat panegyres. Sed rapiunt iam hærentem animum in sui contem-
 plationem latè fulgentia Asciæ Vestræ Cælestium gazarum pon-
 dera, bina Pontificiæ dignitatis Corcula venerandique Antistites,

STANISLAUS TARŁO Premysliensis Antistes, & PAVLVS Leopoliensis Archipræsul. Gemmas veriùs dixerim, aut vniones Ecclesiæ sine pari, & Infularum Monilia, quorum pectus cultissimũ animi pietate, magnitudine, morum elegantia, gravissimi iudicii autoritate zeloq; Pontificali venerandum, omnes adeo infederant virtutes; vt cuilibet hominum ætati sufficerent in exemplum. Vasa tamen aurea fuere electa folique Deo consecrata; quæ toto vitæ tempore quid aliud sonabant in auribus omnium, nisi Divini honoris harmoniam, & dulcem innocentis animi Cytharam, nec tamen ad iactantiam vanæ ostentationis, vt sint tintinnabula inanis gloriæ, ab extra quidem suaviter sonora & dulce animorum melos, ab intra inane corpus & grande nihil; verum ad genuinum modesti animi indicium pulchrumq; virtutis specimen, quæ nè videatur, licet re ipsa sit vas bonis operibus plenum, quod minimum ex se edit sonum: eligit potius esse in oculis hominum vacua & inanis. Quam pulchrum certè in Præsulibus eluxit modestiæ exemplar, & tamen quam plena serijs virtutibus hæc auriflua vasa fuere, quam cælestis gratiæ infusione exundantia, omniq; rectefactorũ lapide pretioso intus & extra decora: quæ propter fulgorem sapientiæ probitatisq; splendorem, vniuersa opum mundi excefferunt pretia; propter mentis ebur & conscientiæ nitorem, Cœlestis puritatis attigerunt lilia & niues; quam expolita, quam mundissima, & quib; ad plenitudinem omnis perfectionis tantum desiderabatur, quantum exundantibus septemplicis Nili ostijs, ad plenitudinem aquarum. Verum nè aliquem ea inuadat opinio, quasi in Domo Vestra hospitari tantum visus fuerit quisq; Magnificus honor, exigui temporis sub Penatibus Vestris nactus moram, egisse semper inquilinum arguit retroacta sæculorum ætas, triumphasse in Toga & Sago Asciam palam conuincit interpres rectefactorum publica Conscientia, quæ Tarłouios novos Patriæ Fabios Romanis validiores, & in Curulibus suis Cenforinos atq; Nasicas vidit, quos iam euocat in paginam de monumentis suis venerabunda lucubratio, STANISLAVM nempe & SIGISMVNDVM Polanecenses, deinde Belzensem, & GABRIELEM Radomienses Castellanos: vt constet Orbi, Asciam non natiuo tantum iubare coruscant; sed etiam Senatoria fulgentem in Trabea, vtrobiq; Illustrissimam fuisse. Quippe non ætate detrita, defluxit Tarłonibus Purpura, quæ toties continua serie succedentibus Posterorum renouabatur humeris, & ho-

nor

nor illis ceu rediuiuus de Cineribus Antenatorum resurgebat Phœnix; imò ipsum Familiæ Senium & vetus in Orbe Polono Starzarum decus, quod decimum ab hinc sæculum, non versuti Myrmidonis manu aut Dolopum vulgari spiritu versant, suffragium illis esset ad Purpuram, nisi alia animi decora, iustiorum emeritis honoribus calculum dedissent. Pulcherrima quippè dos naturæ & fortunæ est magnus atq; altus sanguis; si tamen illi de proprio nihil accesserit venustatis & coloris, potius est rubor & verecundia in posteris. Alijs etiam Nobilitas generis, est gradus, quo ad sacram fortunæ aram ascendunt; Tarlonibus, in Comitatu meritorum; auxiliabatur integritas, animi magnitudo vno Iove minor, mentium apex, ipseq; innatus Candor, album calculum dedit ad Purpuras. Provisum certè fuerat cuilibet illorum à Maioribus suis, ut iis in virtutis & meritorum Patrimonia succedentes, Magni quoq; gloriæ successores, satis haberent splendidissimis Natalibus non dispari cura allaborasse; ast illi claritudinem generis, non ad satietatem gloriæ, sed ad stimulum habentes, tantò acrius animum suum vrgere ad excellentia quæq; non cessarunt: quantò illis à decora nascendi Origine, ad sublimia quæq; maior provocatio fuit. Nec possum hîc ingrato præterire silentio Animas illas, quorum Nomen Virtus heroica, latè in vltimas extendit oras, NICOLAVM & ANDREAM Sandomirienses, IOANNEM Leopoliensem, & NICOLAVM Premysliensem Vexilliferos; qui hucusq; famam suam immortalẽ super æthera notam, ceu ingens Magnorum operum volumen, ipsis expandunt vexillis, Magnanimi Tarlovix Domus Alcix, maximaq; Reipublicæ Columina: qui infracto mentis robore, tot olim negotia, tantamq; curarum molem sustinuerunt, quot munera pro integritate eius, nacti Asciam laborum hæredem, usque ad invidiam sæculorum absolverunt, sibiq; æternæ laudis exhibuerunt Trophæa. Noscitur in illis Ascia, tot sæculis agendo expedita, in molimine virtutum immortalis gloriæ Magistra. Noscuntur præcelsæ animi dotes, famulantis fortunæ obsequium, Regum gratia, insignes honorum Trabes. Noscitur deniq; ceu ex vngue Leo, splendidissimus illorum sanguis, per omne genus meriti, gradibus & officijs in Regno maximis, & hucusque procedens: ipsaq; Ascia animorum formatrix, ingeniorum lima, sententiarum statera, bonarum mentium exasciatio, verbo complectar, omnium sæculorum splendor & Majestas.

Sed quis demùm tot indefessos Theseos, zelosos Hectores, intrepidos Curtios, Sarmaticos Scipiones, & alios sexcentes Bellatores, siue pro Aris flammeos Elias, siue pro Focis igneos Catones, meliori copia quàm olim ex Amaltheæ cornu aut Phrygio Equo, ex Illustrissima Familia Vestra, longa sæculorum serie prodeuntes, Oratione complecti vel vtiq; attingere valeat: quibus recensendis impar est omnino & insufficiens tenuis eloquentia. Ergo Aui saltem Tui Illustrissima Neosponsa, PETRI TARŁO Palatini Lublinensis, augustos Manes liceat non nihil contemplari, & vel in puluere virtutis eius legere vestigia. Traduxit ille à vetustissima origine magnum in se spiritum, quo semper in agendis rebus maximis incalescebat, & quo tota animabatur Polonia, factus olim Patriæ senaculum & anima boni publici. Accepit Insigne Gentilitium Asciam, non vt ostentaret originem suam Lecho coæuam; sed vt eo operaretur, quod in perenne vtilitatis Patriæ & gloriæ suæ asurgeret Monumentum. Induit deniq; Purpuram, satis Orbi fulgidam etiam sine gemmis, ex gemmis virtutum; sed quam illi ingentia texuere merita. vbi quàm consultissimam ad aram publici consilij egerit Animam, quàm ex Tripode sapiebat vt oracula diceret, quàm fuerit præcellētissimi animi Heros, quantus Orthodoxæ fidei zelator, quàm absolutissima in eo summæ virtutis idea, quanta iudicij in illo maturitas, quàm conquisita multa eruditione multoq; rerum vsu prudentia, quàm vndiq; circumspecta sedulitas, & nusquā non probata industria præluxerint; non mea de illo æstimatio, sed generis humani conscientia, sed Senatus Populiq; Poloni iudicium loquitur. Non possunt tamen illa excellentia ornamentorum eius quibus vbiq; eminebat vndiq; collucebat argumēta, in arctas brevesq; cogi periodos; non potest ille ipse quem Ecclesia, quem Patria, quem Respublica loquitur, digne à me prædicari; qui admiratione sui & magnitudine gloriæ, etiam ingeniorum medullas & Phænices animorum triumphabat. Sed quàm suauitè & hucusq; triumphet, licet iam ipse Currus Triumphales in Vrnas, Palmas Victrices in Cupressos, Purpuram deniq; in Sarmata mutauerit; in Magni Nominis Filijs, & Patriæ amātissima Prole ingens rei præsentis negotium est. Et hæc demùm magna Parentum felicitas, maius solatium, maxima gloria est, dare Orbi non degeneres Filios, sed gloriæ suæ ex æquo hæredes ac successores. Talem Te Orbi Polono exhibuisti, qui mihi dicendi facundiam adspiras, illo vul-

illo vultu, quo Reipublicæ Patriæq; momenta moderabaris Magne Senator, Illustrissime olim IOANNES, primò Lublinensis, deinde Sandomiriensis Palatine. Si verum est Nobiles ortus, non tam vitam ex suis Genitoribus, quàm ausum ingentium animorum trahere: quàm hoc benè in Te expressisti, qui etiam non plus lætis ex Materno vbere, quàm spiritus exfluxisti generosi. Ergo à tanto Maiorum sanguine vitam, & decora vitæ exorsus, Asciam Tuam manu validâ & operum amante complexus, non tam vitæ gloriosissimæ spatio, quàm architectâ virtute, tantum cōfecisti: vt dignum Archimede in Te ipso struxeris opus. Noluit quippè Maiores Tuos ita in Tuum laborâsse decus, vt non eis velut præmiū, paria facinora & actus æmulos rependeres; sed adiecisti de Tuo Asciae tantum splendoris & honoris, quasi in eius lucem, nemo ante Te laborasset. Sed quia erubescit rerum naturæ facies, si in viris heroibus princeps animus sine purpura; nec Tua Virtus potuit esse absq; Corona, aut animi Maiestas sine murice, cum ipse honor ad Te, cuiusvis moræ impatiens, quasi post longa tædia festinaret. Securis quondam Romanorum Procerum Insigne, Consularem decorabat Purpuram: quantò pulchrius Gentilitia Tarloviorum Ascia, Senatorias Orbis Lechici, in Te occupabat Curules: quem meritis non tempore grandior ætas cū æquasset Superis, cognatę virtuti honor iussit Fasces prehendere. Auxisti certè tū Purpuræ decora factus Poloni Senatus grande iubar; cū quidquid ab Ascia Tua bono publico leuigatum politumq; accessit, nè Phidias quidē ebori suo limatiùs quidpiam adijcere posset. addidisti honori æstimationis tantum pondus, vt dubium feceris, se ne Tibi, an Te sibi honor magis gratulari debeat, cui plus ex Te ipso claritudinis addidisti, quàm acceptū referre potuisti. Seriem Virtutum Tuarum non texo, vastissima fuit: magnitudinem animi non edissero, in oculis omnium hucusq; versatur: merita non computo, adhuc in stupore tenentur: sufficiet dixisse, posuisse quidem cum mortalitatis exuvijs Illustrissimū olim Parentem Tuum Purpuram, sed vt Tu eam indueres, qui fuisti Magni Progenitoris non degener Filius, Maiorumq; norma & amussis; sicq; secutus vitæ & gloriæ eius vestigia, mori quoq; debuisti. Perennat tamen Virtus Tua immortalis in augusto Filiorum Sanguine omnis perfectionis ternione absolutissimo, cū firmissimis Patriæ & Ecclesiæ Columnis, quarum vnam licet everterit improuisa fatorum vis, stat adhuc benè in tribus virtute illorum

solidissima compactum immobile totius Patriæ atque Ecclesiæ fir-
mamentum. Hic iam liceat excitare à profundo mortis lethar-
go, venerandos Fratrum Tuorum Manes, moderni sæculi spirantia
fulcra, nunc etiam in vmbra, non in splendore tantum Magnos &
Illustres, qui in vita Magni fuere, par Nobile Sanguinis Tui, Illustris-
simos ALEXANDRVM TARŁO, Castellanum Zauichosten-
sem, & SIGISMVNDVM Capitaneum Pilznensem: has aureas
Olympi Sarmatici lampades, licet extinxerit tristis fatorum nox, ma-
iores tamen illorum in occasu prout & solis vmbra sunt. Functi
quidem vitam, multa tamen pars illorum crudelem vitauit Libitinam,
quia maior relicta, iam tota elucescit in Magnæ expectationis Fi-
lijs, beneque olim responsura Magno Nomini suo augusta Prole, etiam
post funera superstes. Non adduco hic ætatem illorum floridam,
omni elegantiam morum, pietate singulari, prudentiam annos exceden-
te, constantiam maturam, affabilitate & modestiam vernantem, totamque
culturae ingenij acriter intentam: non commemoro, quam post Virile
Togam induti, non vulgari manu aut gregario spiritu tenuerint Do-
mesticum splendorē, antiquissimam in opere suo Asciam, sed semper
maximis Reipublicae applicabant curis: quam deinde, non Maiesta-
tis favore, leuicque pluma popularis auræ adiuti, aut aureo censu, qui
illis Dædaleo fingeret molimine velocem pennam, sed virtute sola
meritisque poscentibus, ad Trabeas & honores excelsos pernices A-
quilæ evolauerint: vbi ceu in alto fortunæ & gloriæ suæ nido,
quam floridum virtutibus, magno exigui corporis hospiti struxerint
larem animo, denique quam amabili dulcore, & mentium suavi in-
uitamento celebres, Consilio in publica Orbis facie exquisiti, pru-
dentiā longoque usu per Exteras Nationes conquisitam peritiā ple-
ni, sermone affabiles, humanitate insignes fuerint; recens horum me-
moriam, probatissima in oculis omnium illorum vitæ series, ingens
dictorum comprobatio est. Meretur publicam famam, & Virtus
Tua, omniumque oculos animus ille, bonorum omnium Dactyliothe-
ca, cum quo iam nobis redeunt prisca Saturni sæcula, & qui aure-
is Tuis Consiliis, calamitates nostras ad superbiam usque facis esse
pretiosas, Illustrissime STANISLAE TARŁO Palatine Lublinen-
sis. Infers quippe in Theatrum gloriæ Maiorum Tuorum, dignam
veræ virtutis imaginem, quam inter Lechica Numina portas, spe-
tatissima omnis excellentiæ idea, mentium selectissimarum exqui-
sita portio, recensque operis gemma & splendor. Vix Te tenerum
fuis

fuis Fascijs evoluit Lucina, suscepere Musæ, & ingenij Tui aciem
suapte, poliri cupientem, & culturæ omnis auidam; primò expoli-
uit Atheneum Iagellonicum, illo Literarum cultu insigni qui bo-
nas mentes exasciat. In hoc erudito gratiarum sinu, vsq; ad excel-
lentiam ingenij & suaues Musarum delicias spei publicæ formatus:
prodijsti tandem in Orbem Europæum & exoticum Solem, clari-
tudine animi sic promicans; vt à Te omnium corda, ceu à sole
atomi raparentur. Vidisti superba Romæ Septizonia, & quidquid
coquitur illo Sole, Orbiq; alieno pretium Ascix Tuæ intulisti, pera-
grasti Prouincias & Populos omnes, sequacem vbiq; habens bo-
nam famam, quia prodromam virtutem; & quidquid in illis virtu-
te selectum est, in vsus Tuos innoxie transtulisti. Admouisti demũ
redux in Patriam fortunatus, strenuam Ascix Tuæ manum, seriam in
agendo & operi intentam, quam à teneris adhuc annis tenerrimè
complexus es. Accendisti tum auitis Ceris, Cynosuram gloriæ
Tuæ, quando optimè gnarus Illustrissimam A S C I A M Tuam,
primam in acie Martis aciem confecisse: eam non alias, nisi in
Ceruicibus hostium habetare voluisti; vt Tibi Martis ingenium
acueres, dignissimus S. R. Maiestatis Roth-Magister factus. Nihil
Ascix Tuæ ferrea Gradiui rubigo obfuit vnquam, quominus in Ca-
stris fortis, in Curia politissimus, domi humanissim9, ex ductili hoc
metallo, in minutissimas laminas, prout res Patriæ posceret solidif-
simâ Virtute ducereris, imò eam, hostili cruore à ferrugine vin-
dicasti, quando ad Strigonienfes Cannas in Hungaria, Asciam Tu-
am militare in bellis, hocq; ferro tueri Patriam, & vitam dare Im-
perijs voluisti; Thracemq; barbarum & lumen & aciem Ascix fu-
gere effecisti. Succreuit tandem iustis in Patria meritis exercita
Virtus Tua, in Tribunalitio Areopago, per incorruptæ æquitatis tra-
mitem ad Senatorias progressa Curules; vbi quàm pulchrè in Con-
silijs ferendis antiqua responsa prudentum, in iudicijs ipsam æqui-
tatem vincere videaris, non est quod ad Sibyllæ folia reuocemus:
cùm & ipsa animi Tui puritas atq; elegancia, ceu magni pretij gem-
ma, ex pietate, candor ex ebore mentis, magnitudo ex virtute, pō-
dus ex autoritate, consiliorum abyssus ex intelligentia, ad oculum
in Te pateant. Sed iam hîc mihi dicendus venis, qui totus dici
non potes, nisi ore Tuo, quod pro Maiestate Polona augustè lo-
quitur, Starzarum & Tarlonum ævi nostri sūmitas & Maiestas, di-
lectæ PRZYEMSCIANI Cordis Sponsæ Magne Progenitor, Il-

lustrissime & Excellentissime Domine CAROLE de Szczekarzowice TARŁO, Regni huius Procancellarie. Decora Maiorum Tuorum & Nomina, supergressus est splendor Tuus, in Ascia sic expolitus, ut tersissimum speculum videri possit, in quo Principes Prosapiae Tuae per tot saeculorum tractus in Orbis Oculos facile incurrunt, etiam si in Te solo spectentur. Series illa temporum decadem saeculorum complexa, quae à Lecho cepta, supparem illi Starzarum originem habet; myriadem in Te immortalium pace belloque gestorum, non claudit, sed renouat: nempe Tibi adeo sufficiens meritorum gloria, ut quamuis de Toporeis siluisset omnis antiquitas, Tu ipse tota antiquitas esses, & superabundares adhuc Magnitudinis Tuae nesciens mensuram; propter quam, cogitantium de Te capacissimas mentes excedis. In Senatu Romano Regum se vidisse Confessum, Cyneas olim coram Pyrrho Epirotha dixit. Animum Tuum Senatum ego dixerim Capitolino Maiorem, in quo Maiorum Tuorum facies tam augusta cernitur; ac si tot Regum, quot Antecessorum, Sanguinis Tui Confessum haberet. Atria Scipionum, Metellorum, Caesarum, auitis imaginibus plena, atria tantum fuere, sed non augustalia Virtutum; at Tu picta haec Vestibula non ambis, non referas, nec toto Apelle in id laboras; ut in lineamentis vultuum priscas effigies ostentent. Viva omnium effigies, anima, & ingens spiraculum es, totumque in vno, sed animatum; quod Ascia condidit Augustale. Referare mihi in eo cellas Iouis, & Conclauē Delphico venerabilis si liceret; reuelarem ipsam virtutis sedem, ipsam splendidissimi intus apparatus medullam, & dignum Principe animo thronum. Nam quid in Te ex incomparabili Principum Virorum excellentia non summum? quid externa quoque specie quovis Curulium Senatoriarum fastigio digna, non vndique decorum? quid ad amussim dotum naturae praecellentium non compositum? certantibus ipsis Gratijs in purpurato Vultu Tuo, ut & amabiles simul, & ad oris Majestatem sint augustae. Pulchritudo & decor animi Tui, etiam in externis Vestigijs satis apparet, soloque intuitu convincit; ut animorum oculos teneas, ut amorem & reverentiam temperes, ut leni quantumvis imperio, bonarum mentium Dictator sis. Non est Tymanthis velum quod arcano pectori Tuo praetenditur; sed sincerissima Tui delineatio, ostendens qualis sis, ubi maxime habitas, nempe in Magnae mentis Tuae recessu. Hic residet ingenij perspicacia Centoculis acutior, iudicii sublime etiam Censorinis negatum, Sapientiae

pietiae Acrocorynthus. Athenarum Cecropio Maior, doctrinae
politioris non fucus, non syparium, non crustata facies, sed nucleus,
sed theatrum, sed robur ipsum, æreque plusquam Corynthio fusa com-
pages, sæculis ferendis idonea & in exemplum Posteris suffectura.
Multi sapiunt in speciem & ad famæ tinnitū satis, Elephantēs Crissi
propriā, ne Muscæ quidem alienā, facile evanidi & in nihilum su-
um redituri, si veritas opinioni se eorum opponat; quorum vasta
ut ipsis videtur eruditio, sensusque magnitudo aliquid utique fuisset; si
nimis in vacuum non protuberasset. At Tuæ vis eruditionis, soli-
dissima, profunda, seria, inexhausta, nimirum ex fonte Universalis
Studij Cracoviensis, non delibata tantum; sed plenis in Cor Tuum
sapientissimum alveis deducta. Hic ingeniorum Ascia, imò acies
ipsa fueras, supra limam, supra censuram, intelligendo acutissime, di-
scernendo subtilissime, poliendo cultissime, & deducendo in opus
eloquii suavissime; quod profundius aliis conceperas ipso etiam
Magno Chirone Tuo stupente; quod supra nutum eius, iam captu
ingenij maximo prævenires, quæ vix Tibi insinuata fuere. Vidi-
mus attoniti, audiimus nimiam dulcedine inundati, Atticam suadam
Tuam, in Rostris toties triumphantem, iamque tum felici mentium
præfagio, Oracula Tua audire nos putabamus, quibus nunc Orbem
Sarmaticum imples, & de cuiuscunque Eloquentiæ principatu trium-
phas. Iam tum Nestorem suum, non unus Regum Agamemnon
prævidebat futurum, iam tum Pericli suo fulmina sed dulcia, os au-
reum, non uno ictu formabat; Pallade Iagellonica vix gaudia sua
tenente, quod necdum ætatis permisso, iam maturus & Orbis æsti-
matione dignus, sentiendi dicendique Tripos fueris. Secuta dein-
ceps per Orbem, quā latè patet Europæum, hæc cellissimas animi
Tui dotes ubique æstimatio, cum ivissent Tecum per longissimos E-
xoticarum gentium tractus, comites, pietas, innocentia, verecun-
dia, modestia, & alia heroicarum virtutum decora, quibus facile
adspirabat gratiam spiritus Cælestis, in benevola anima libenter ha-
bitans; disponebatque cor Tuum, ad eminentes profectus in studio
sapientiæ, cum iam in eo Timor Domini solidissimam basim posu-
isset. Ita Germanicæ, Belgicæ, Gallicæ, Ausoniæ Oræ, felici passu
& magno prudentiæ fructu peragratae, ita Roma Fidei & sapientiæ
medulla ac Ecclesiæ Princeps, oculis in Te attonitis defixa, ita sinus
Tibi gratiæ Summorum Pontificum & Purpuratorum Ecclesiæ Pa-
trum expansus, maximam Tui æstimatione ostendit; etiam ad Hyper-

boream Arcton, dignas Orbis terrarum pretio animorum gemmas inæstimabiles nasci. At verò quis ille, & quàm rosis & lilijs Coronatus Patriæ finus fuerat, qui Te redeuntē excepit? desideria illa & anhelitus eius, quibus ad Te suspirabat, implevisti sanè & super implevisti, vix in oculos incurrens & iam cordium possessor. Plausere statim honores publici, parem sibi Athlantem gratulati, Civiū Patriæ mentes, cognovêre mentem in Te libertatis & Reipublicæ futuram: augusta Regum Solia, intellexerunt quod sibi destinebāt, eloquij in Te idioma purpuratum. Hic ego Oceanum Athlanticum in brevem Isthmum, Divinum Homeri opus in nucis avellanæ corticem, Myrmecidis nauem eburneam, sub tenellas unius apis pennulas cogo; si postquàm ad Rempublicam accedere Tibi placuit, quantus fueris ad hanc tenuem libellam expendo. Non capiebant Te Cōuentus Nobilitatis propter excellentiā animi, excedeabas, quamvis modestissimo de Te sensu omnium gratias, rapiebas affectus, tenebas voluntates, quoties de rebus Patriæ sentires diceresve, minor adhuc subsellio, sed animo omnia subsellia prætergressus, & cū nihil simulatis Politicorum artibus deberes, vincebas unico candore omnium Sinonum & blandientium Syrenum commenta, cū probitas, sinceritas, veritas, formabat Tibi Consilia, dictabat Oracula, concludebat sententias. Nihil per Te datum ostentatrici pompæ, cerussatæ eloquentiæ, ambiguæ & nimis reconditæ voluntati, uncis & ambitiosis manibus, oculoq; semper ad lucra sua & aliena sestertia respiciēti. Admissi in amicitia Pompilij, Nasicæ, Catones, delecti inter familiares virtute probatissimi Hephæstiones, exosi & reiecti Ganymedes, Parides, Narcissi, turbaq; illa parasytorum, cui semper animus in patinis & nihil tristius quàm domicæniū, penitūs exauthorata. Lares & Penates Tui innocui, foci Vestales, Aula Harpyjs & vulturibus occlusa, mensa alienæ sanguifugis famæ risuiq; Sardonio, & procacibus Cynicis iam edētulis denegata, omnia priuatim & publicè ex tenerioris cōscientiæ præscripto, ex dictamine legum, ex officio boni Cuius, æqualitati amica, singularitatem fugientia, humanitate suavissimè condita; sed tamen à iusto & æquo non recedentia: quæ omnia effecerant, vt publica Regni facies, neminem magis deperiret, corq; Nobilitatis nullibi tutius spiritus suos vitales, quàm apud Te deponeret. Inde veneratio, fiducia, communicatio animorum & consiliorū, inde credita Tibi legum & liberatis defensio, inde iudicia sancta, incorru-

pta;


pta; respectuq; carentia. Ergone Tibi non cōmitteretur Pallatinatū
delegata authoritas? ergone Tribunal Regni absq; Te Arcopagita
suo? Comitia absq; Nuntiorum Terreſtrium Oraculo? magni mo-
menti Cōmiſſiones absq; Te Arbitro? in quibus si æquitas, veritas,
& ipsa virtus loqui posset, non alium Mystam & Flaminem suum
maximum, nisi Te pronuntiasset. Serenissimo olim IOANNI CA-
SIMIRO Regi Poloniae, dilectum Te fecerat, digna Regum Pala-
tiji animi Tui virtus, gratia, & temperies, innocens conversatio;
sincera Maieſtatis reverentia, prona in Principem sed non adſperſa
fucatis obsequiis voluntas, illecebris Aulicis pectus impervium, &
inter Curiales bonarum mentium scopulos, cautum virtuti & Prin-
cipi fidum. Æſtus quoq; ille, & turbo vehemens, regnante Sereniſ-
ſimo MICHAELE, qui tum in Patria gravissimè sæviens, omnia
confuderat & everterat propè, non movit fidelem animi Tui Con-
stantiam, non traxit in partes oppositas, non immiscuit inanium su-
spicionum coniecturis, quando contra larvas & commenta cuncta
permiscantium, stetit inconcussus, ore & animo liber, & adversus
temerariè obnitentes infractus. Indoluiſti Patriæ in Euripo illo mi-
serè fluctuanti, inter extrema naufragia posita, à domesticis convul-
ſa, ab hostibus dilacerata, & inter reciprocas procellas vix non ani-
mam agenti, & non indoluiſti tantum; sed fidâ consiliorum ope &
remediis efficacibus succuriſti. Cumq; deinceps Principe suo orba-
ta, triste Viduitatis suæ paludamētum induisset, serenasti eam & su-
ſtinuiſti motos eius cardines, cum Interregni tempore, Iudiciorum
ut vocant Capturalium Mareſchalcus dignissimus, vigorē Legum,
& publicam salutem summâ authoritate, prudentiâ, dexteritate, con-
servaſti. Ostendit Te Orbi Polono illa rerum facies animi Celsissi-
mi Virum, cordatum pro æquitate, temperatum affectibus, consilijs
prudentem, justum Decretis, non sopitum flantibus ethesijs, nec sæ-
viente Aquilone commotum, parem muneri, æqualem animo, ubiq;
quadratum. Præfidebas Arcopago illi, ut Themidis Oraculum, ut li-
bertatis Antemurale, ut Iuſtitiaæ ſpeculū, inter adminiſtrationem ri-
goris publici, tamen amabilis, & vel ex ipſo CAROLI nomine Ca-
riſſimus omnibus, ac velut ad convincendos affectus, & animorum
coniunctionē natus. Pulcherrimum id Nomini Tuo, Illuſtriſſimæ
Proſapiaæ glorioſum, Reipublicæ proficuum, de qua si dicendū erat,
dicebas ut Pompeius, si reſiſtēdum licentiaæ, reſiſtebas ut Auguſtus,
si favendum Iuſtitiaæ, favebas ut Ariſtides, si decernenda ſancita

publica, decernebas ut *Lycurgus*; spartā ubiq; animo & veritate invictam gerens, sed tamen ab illicitis priuato commodo lenocinantibus, & à *Callimachorū* dulcib; sub antidoto venenis, purā omnino & distantē. Hæc integritas, magnitudo animi, agendiq; dexteritas, iam Te altioribus subfeliis, & eminenti honorū præcellentiæ destinabat, vocabatq; ad culmen gloriæ, Magno & Augusto iudicio, Serenissimi & Invictissimi *IOANNIS III*, purpuratæ tot meritis virtuti Tuæ conferendum. Perspicacissimus hic animorum interpres, Principum Europæ *Ocellus*, Regum Sapientiæ *Crisis*, Selectissimorum in Republica Civium æstimator, æquè in bellis, ut & in delectu Magnarum mentium triumphans, Curuli Senatoriâ Palatinatus *Lublinēsis* sublimavit decus Tuū, toti *Sarmatiæ* magis magisq; visendū; deditq; gustum Patriæ in Tuo honore sapidissimum, cum hoc animi sui oblectamentum, ipsa iam pridem votis & desideris ardentibus prægustasset. Si unquam hilares gratiæ, vultu jucundiori augustam Tanti Principis excepere gratiam; certè cum Te Senatui Polono in visceraſet, ex imis visceribus bono publico gratulatæ sunt, quòd integerrimi animi & summi iudicii Heros, in sede à tot sæculis & à tot Maioribus suis inſeſſa, suavissimo omnium intuitu spectaretur. In hac Purpura Senatoria, non extulit Te honos supra Teipſū, non ademit dulcorem animi, Comitatis gratiam, admiſſionum facilitatem, zelum quidem boni publici adauxit, sed placidum omne in eo, & ex tranquillo compositum servavit. De Bello Otthomano, de Principum fœderatorum armis, de Moschovitica iungenda illis potentia, de pacificandis Monarcharum Europæ motibus, de Provinciarum Regni huius relevandis oneribus, & de aliis calamitosi temporis vicibus, Rempublicam nunc exagitantibus, gravissima cum intervenissent Consilia, quid non auditum ex ore Tuo, veridicum, salutare, ponderosum, Cedrisq; perennibus inscribendum, cum diceres ex animi profundo sensu, spirans adhuc Starzarum ingentes Animas, verè ab aureo ævo Senator, ac ideo dignus ex Oraculis Senatorijs, ut *PROCANCELLARIVS REGNI* in Oraculū Principum, Maieſtatem ipsam loquereris. Vt enim heliotropium solem, ferrum magnetem, Acus magnetica Stellam Polarem sequitur; ita summam Virtutem, prudentiam, authoritatē & eloquentiam Tuam, secuta est, Celsissimi huius muneris & honoris Eminentia, ad *PROCANCELLARIATVS* Regni Sigillū Te poscente destinatione omnium; sed potissimo Regis Nostri Sapiētissimi delectu, qui cum
sæpius

sapius ostendisset, quam exasciatam limatissimi iudicii Censuram
 in deligendis elegantibus animis haberet, in Ascia Tua etiam seipso
 Maior, fecit eam excellētissimi operis Architectā; cum aciem ipsius
 terfissimam, exasciandis Regum per Sarmatiam Oraculis præfecit.
 Si cultissima in Te eloquentia necitare manat, certè mens quoque in-
 tegerimā probitate nitescit: quando dicta factis comprobas, Consi-
 lia ad trutinam veri serio examinas, responsa profundè meditata di-
 fertissimè eloqueris, iudiciorum sententias, ex Iuris & æqui bilan-
 ce pronuntias, idque ex eo, quia domi Tuæ nimirum in pectore Tuo,
 Sanctuarium pietatis & innocentis Conscientiæ cortinam habes.
 Nota hæc & reuelata oculis Diuinis, qui Sole lucidiores sunt; corā
 quibus cum in arcano Animæ Tuæ sapius appareas, perfudit Te lux
 illa, & sapientia erudiit, quam ex Ore Altissimi credimus prodijisse.
 Quāquam enim negotia publica ingenti numero Te circumstent,
 ac multitudine agendorum velut Teiplum Tibi eripiant, non ideo
 tamen illis Te totum immergis, ut non superemineas animo, quem
 rerum Divinarum Contemplationi, & curis ad renouationem spiritus
 spectantibus, toties impendis & consecras. Inde nitor animæ, Vir-
 tutum heroicarum amor, pro fide & Ecclesia zelus, inter mundi ne-
 gotia illibata mentis puritas, in Christi pauperes ac præsertim Mo-
 nasticam vitam professos, felix Elèemofynarum profusio, Superis
 quoque certantibus Tecum: ut vinci se beneficijs Tuis non patian-
 tur, à quibus, in Te & Illustrissimam Domum Tuam copiosa bene-
 dictio quā descendat; res ipsa quamuis Cælesti sigillo obfignata
 & arcano suo relicta, Orbi tamen Polono spectatissima conuincit.
 Quid enim in Illustrissima Domo & stirpe Tua, tot splendidissimas
 Illustrissimorum in OSTROG, WISNIOWIEC, ZBARAZ,
 KLEWAN, DVCVM, ZAMOYSCIORVM, LVBOMIRSCI-
 ORVM, TARNOVIORVM, SIENIAWIORVM, CHOD-
 KIEVICIORVM, DANILOVICIORVM, BRANICCIO-
 RVM, SAPIEHARVM, ZBOROVIORVM, FIRLEIO-
 RVM, Profapias, Consanguineis nexibus cōplexa, non ad sum-
 mum processit? vel non spectatur in summo? Quid in Ascia Tua,
 pace belloque decorum non resplendet? quæ cum domi Patriæ suam ma-
 gno splendore impleverit; etiam Exotici nunc Solis, in præcellen-
 tissima indole & heroica animi virtute, Illustris & Magnifici Do-
 mini ADAMI TARŁO oculos recreat, & præcipuā sui æstimatione,
 præcellsi aliquando in Republica Nostra Nominis & honoris,

spem haud dubiam pollicetur. Quamvis verò Ascia Tua, ferreo ac-
cumine suo terrori esse possit; non terret tamen sed allicit, etiam
ignivomos Leones, ex quibus Illustrissima HEDVIGIS dilectissi-
ma Filia Tua, iam vicit, iam dulciter illectum tenet, Magnanimum
in Illustri & Magnifico Domino IOANNE LANCKORON-
SKI Capitaneida Neocorcinensi, Leonem; sed Heros iste Leo,
quamvis sic suauiter triumphatus, Illustrissimæ Domus suæ, per tot
sæcula deductos continuabit Triumphos, exæquabit honores, ac-
cumulabit meritorum thesauros, verè invictus Leo, pro DEO &
Patria Gentilitiis Flammiis Zelosissimus.

Quodsi Leones huc, in Trophæum immortale pudicissimi A-
moris venêre, quidni Herois PRZYIEMSCIANA, ad Illustrissi-
mam TERESSIAM Heroidem speciosissimam veniet? quidni ex-
pansis sincerissimæ lætitiæ manibus, ad ASCIAM properet Trium-
phalem! Ecce venit, ecce properat in Te Illustrissime SPONSE,
Cordisq; sui delicio fruitur, cum ad Connubiales nexus Tuos feli-
cem agit Paranympnam. Regia hæc Virago Tua, roseam pulcher-
rimi decoris speciem, in Illustrissima SPONSA Tua, ô quàm ocu-
lis intuetur defixis! ô quàm dotes animi summas, ab Illustrissima
de peruetusto PSZONKARVM Sanguine Matre ipsius, Sum-
mæ Virtutis Heroïna, in dilectam Filiam deductas, atq; per crys-
tallina oculorum lumina transparentes, æstimat ac veneratur! Tibi il-
lam Illustrissime SPONSE, in gemmam Cordis Tui pretiosissimam
consignat, Tibi in Coronam Capitis, ex purissimis lilijs necit. Cui
vt Cælestes quoq; Gratia manibus dent Lilia plenis, vt Permagno
Sanguini, DEO benedicente, gemmarum ex vnione nascatur
fæcunditas, dum Myrias Epithalamicorum applausum vo-
uet; id etiam precatur, vt in immortali Trophæo Heroidis
PRZYIEMSCIANÆ manu, & ASCIÆ TARŁO-
VIANE Architecturâ erecto, Cornatis tota gem-
marum grandine sæculis, triumphet VICTRIX
AMORIS PRZYIEMSCIANI
MAIESTAS. Dixi.



CRAC: Typis NICOLAI ALEXANDRI Schedel, S. R. M. Ord. Typogr.


co a-
tiam
tissi-
num
DN-
leo.
tot
ac-
&

i A-
iffi-
i ex-
um-
SE,
feli-
her-
ocu-
ima
um-
stal-
il-
imã
Cui
gno
ur

TH. UNIV.

LIBRARY

21



Biblioteka Jagiellońska



stdr0009053

